

TEMPO SEMANAL

Husi Imiba Imi

RECENT NEWS

LEI IMPRENSA TL TAU LIBERDADE EXPRESAUN IHA PERIGU?: Hahu hodiseik, komisaun A parlamentu nasional hahu

LEI IMPRENSA TL TAU LIBERDADE EXPRESAUN IHA PERIGU? FEATURED

Written by **Tempo Semanal** | Kinta, 06 Febreiru 2014 23:38

Ne'e maka situausaun audiencia publika ho Komisaun A PN ho Sekoms iha hotel Tibar Resort iha hodiseik. Photo SEKOMS Group

Hahu hodiseik, komisaun A parlamentu nasional hahu halo audiencia publiku ho parte Governu liu-liu sekretaria do Estadu Komunikaun sosial, RTTL no atividade hanesan sei kontinua ohin ho media emprime no radio sira.

Tuir Sekretariu do Estadu Komunikaun sosial dehan Lei ne'e halo hodi garante liberdade de imprensa maibe artigu sira iha draft ne'e rasik konfronta SEKOMS ninia deklarasaun ba publiku ne'e.

Draft Lei Imprensa ne'e loloos halo husi TEAM FIVE ne'ebe kompostu husi membru asosiasaun jornalista no mos representante husi media sira nian.

Maibe Ironia maka membru husi TEAM FIVE ne'e rasik hakfodak ho draft lei imprensa ne'e tan ba artigu siluman balun mosu derepenti no la tuir on a bu'at ne'ebe sira draft. "Ha'u hanoin governu koko uza ami hodi salva sira nia politika hodi halo lei ne'e atu prejudika liberdade de expresaun," dehan membru ida husi TEAM FIVE ne'ebe lakohi temi ninia naran.

Tuir nia katak momentu ne'eba ami deskute lia fuan ba lian tan kuandu lia fuan ida maka sala sei fo interpretasaun ne'ebe hamout liberdade de imprensa iha RDTL.

"Ami empressa ke Parlamentu nasional presiza hare didi'ak lei ida ne'e tan ba lei ne'e halo ho intensaun fo kbi'it ba governu atu kontrola orgaun komunikaun sosial ate sira sala de redasaun," membru Team five ne'e haklaken.